

# خطوط كفك

مطبوعات المجر ٣٧

شعر

أحمد السندباد

تقديم الدكتور يسرى العزب

مطبوعات الفجر  
تصدر عن جماعة الفجر الأدبية بالقاهرة

المشرف على التحرير  
**مكتور يسرى الغرب**

المراسلات باسم : المشرف على التحرير  
الجيزة - أرض اللواء - فيصل  
١١ ش محمد منصور  
تليفاكس ٥٧٠٢٢٤٢

لوحة الفـلاـح  
للنقابة منى عوض

# الأماء

خليك ماسكة إيدي..  
في أول الطريق  
بعدين اتوه يا أمي..  
وف شبر أكون غريق  
باجري عليك دائما..  
لو يوم حسيت بضيق  
ده قلبك الحنين..  
أوفى من ميت صديق  
ربي يطول في عمرك..  
واكون لك الرفيق..

السندباد



# خطوط كفك

تقديم دكتور يسرى العزب

هذا هو الديوان الأول للشاعر أحمد السندباد .. يقدم  
بقصائده شهاد ميلاد لشاعر مصرى جديد.. يتسلح بعشق  
الوطن والذي يتسلل في سطورهِ عبر قصائده المتنوعة في  
بنائها بين النفثة أو الأهة والترنيمة والأغنية والقصيدة..  
ويجتهد الشاعر دائما في تحويل معانيهِ وأفكارهِ إلى صور  
شعرية تبدو وامضة في بعض نصوصهِ ومنتشرة في  
بعضها الآخر.. وفي البعض الأول يغلب المعنى على  
التصوير، وفي الآخر يغلب التشكيل فيتسلل المعنى حثيثا  
عبر شرايين اللغة ليصل إلى الوجدان المتلقي في انسياب  
هاديء جميل.

هنا شهادة بميلاد شاعر عامية جديد يمتلك موهبة  
تمكنه أن يعزف بالفطرة على وتر الحب انتماءه للوطن..  
وتتبيء نصوصه - في الوقت نفسه - بأن صاحبها  
سيتمكن في القريب جدا أن يقدم لنا ما يزيد نضوجا واكتمالا  
على طريق الشعر المصري الجميل.

دكتور يسرى العزب

# المخروج على النص

يا اللي كرهت الوطن  
وشربت من نيّله  
على أرضه ياماً رعاك  
وأكلت من خيريه  
يحرّم عليك الدفا

ونور قناديله  
أنا اللي وقت المحن  
ينادينني واجي له  
أحضن بعيني ترايه  
وف رمشها أشيله  
واحلف بكل النعيم  
ما أقبلش تبديله.

\*\*\*\*\*





نسبت ابتسامك

ودايما حزين

وشارد في دنيا

علاما الأتنين

وصال بتحسب  
عذاب السنين  
يا ريتك يا قلبي؟؟  
تقول انت فين!!!!

\*\*\*

## كلمة سر

وتبقي كل شيء لي  
عيون مية  
دوا عيني  
ربيع حبك يمحضني  
بحنة

أعيش أحلامي وردية  
بألاقيكي حنين مولود  
أدفيكي  
وتسعد بي لياليكي  
بعمري كله أفديكي  
والأقيكي نغم مزمار  
وزرع أخضر وفيه نوار  
أنا نشوان وباتمايل  
بخمرة تغرك الفايير  
وحبك في الهوا صافي  
وحضنك بالدفا وافي  
يا دايبة ف كل أنحائي  
يا ساكنة جوه أوراق.

\*\*\*\*\*

# في الحقوق

أمانة يا نايب  
ما تطلعشي خايب  
وصون الأمانة  
وصوتي اللي ضاع  
ما بعنا غطانا

وفرش المتاع  
يا رمز الميزان  
يا صاحب مكان  
يا حالف يمين  
على ميت شمال  
تكسر كلامك  
وبرضه معاك  
ولادنا فداك  
يا كبشة وعود  
وياقطة ف عامود  
ويوم انتخابك  
توزع كلام  
رسمت ابتسامه  
وجيتنا بسلام  
في جيزة وقلعة

بتاكلها والعة  
وشيشة وخمرة  
مع سهرة حمرة  
تعبي في كرشك  
ولا تخاف سجون  
يا عقلي اللي واصل  
لحالة جنون  
مسمم هو انا  
مسمم دوانا  
ولو تاني شففتك  
حا قول لك يا دون.

\* \* \* \*

# عاشق ترابك

عاشق ترابك أنا  
سهران ما باتامشي  
عدي على الليل  
والفجر  
ما طلعتشي.

\*\*\*\*



# صبي النوم

ما قول للدنيا

ما تنامشي

واقول للطير

ما تسكتشي

واعلى بيك

ما انزلشي

وافتكرك

ولا انساكي

وابادل فرحي

بشقاكي

واخلي ربيعي

يستني

يجيب حنة

من الجنة

واحضن فيكي

كل الكون

يدفيني

واكون ممنون

وافتح سورى

وحنودي

واقول يا فرحتي

عودي..

# قبطان

مهداة للأب الروحي د/ يسرى العزب

قبطان وقائد سفينة  
ويمينه ع الدفة  
ما لهش في النفاق  
ما يحبش الزفة  
عالم كبير في الأدب  
والبسمة ع الشفة  
لو يتوزن بالذهب  
هتطب له الكفة.

صيد

صيد معاه الشبك

واخذ هواه غية

صديق ما يخافش

باتت له بنية

معالي يا قمر

---

{٢٠}

تحلى الملاغية  
أنا سندباد عاشق  
للشط والمية  
أجيب نجوم الليل  
الضمها بأيدي  
وماسك في آخر  
ساعات الزمان  
يجرح في عمرى  
اللي فاضل وراه  
لقيتني شموع  
وحبة دموع  
ونار في الضلوع  
يتجري وتتور  
طريقي لغيري  
ورفرف يا طيري

يا قلبي اللي شاب  
وانت الشهيد  
بتبكي عذاب  
بتضحك عتاب  
تقوم من جديد  
وضعفك شديد  
بتسال يا مين  
أنا رحت فين  
ما عاد لي باقي  
وحتى حياتي  
ماعاد ليها دية..

\* \* \* \*

٢٠٠٦/٦/٢٠

# تله الطريق

شوف كام طريق  
قدام عينيك  
وتايهة عنك مسكتك  
والدمع ساكن بالجفون  
وتمللي كاتم أنتك

عاش مع الجرح القديم  
وعن زمالك شئتك  
حاول يا صاحبي  
قوام تفوق  
وضروري تنسى محنتك  
خلي الهموم عنك تزول  
ومع الشروق  
تبقى العزيمة خطوتك..

\* \* \* \*

٢٠٠٥/١١/١٢



# نظير

باحبك صغير باحبك كبير  
ومن نسمة طائفة عليك أغير  
ما أنا الأولاني وبرضه الأخير  
يا حلم الغني وحلم الفقير  
ويطلع نهاري أكون لك أسير

يا ريت التاني لأمرى الخطير  
ياكل اللي لي وصبحي المنير  
واشوفك يا حبي يهل العبير  
ومن نار شفايفك أنا مستجير  
وخليتي عقلي صوابه يطير  
ومن كتر حبي عزولي يغير  
وقلت ان سرك تملي في بير..

\* \* \* \*

جدة قلم

شطب القلم اسمك  
لما بقيت خاين  
وشفت كذبك يا صاحبي  
أصله ف عينيك باين  
لا كل أصفر ذهب..

ما هو برضه منه نحاس  
أنواع كثير م البشر  
ما كانش ليها أساس  
وناس تزيد في الحلاوة  
وغالية زي الماس  
وناس بتصرخ ألم  
وناس بتشرب كاس  
كثير نصحتك يا صاحبي  
ما لقيتش فيك إحساس..

\* \* \* \*

٢٠٠٦/٥/١٠

# ملخضة

مادة وسياسة

ملخضة

فوق الكراسي

محطة

تعبت من عد السنين

وف خيرها نازلين  
بلبطة  
بميت دراع  
كالأخطبوط  
كل النسب  
متظبطة  
بتبكي؟ وليه..  
يا قلم؟  
قال لي ما فيش  
دي شخبطة..

\* \* \* \*

٢٠٠٦/٣/١٢

# تفصيلي

انت اللي بعتي .. وعايضة قلبي يشتري  
ما هي مش تجارة .. تكسبي أو تخسري  
كان حلمي عش .. ألقاك فيه بتعمري  
وأزرع الورد ف ربيعك .. واشتري  
كنت باحسب عن فراقى .. ما تقدرى

للصبح أسهر ليلاتي .. واقدري  
لو في قلبك حب .. قلبي وعبري  
يا اللي قلبي كنت فيه .. تتمخطري  
طب ميعادي كنت فيه .. تستنظري؟  
مش ها قول لك في ثاني .. فكري  
ولا كالأنا وكان .. والا اصبري  
ولا ليلتي الطويلة .. إسهرني  
مش راح ارجع .. واوعي ثاني تفكري  
يا منزلة قلبك مزاد .. مش ها فكر اشتريني..

\* \* \* \*

٢٠٠٦/٦/١٢



# الحدي الهوى

عدا الهوى في الربيع  
ع الرمش والخدين  
بعتر ضفايرها  
بيغطوا رماطين  
طلبت في بحر العين

ولا جيت آخرهم

## مسألت باستحياء

أما أنا

**أنا فين..**

\*\*\*

٢٠٠٦/١/١٠

# على الناصية

أنا اللي قلت ده صاحبي

عمره ما هيبعني

ما احنا أصل وصورة

كالظل يتبعني

لما بقول الآه  
قلبه بيسمعني  
ولما جار الزمن  
ع الناصية شيعني..

\* \* \* \*

# خطوط كفك

سيبيني أقرأ

خطوط كفك

واطوف بالورد على خدك

تعالني واكتبني عندك

سهر ليالي

أنا مشاركك

وأجيب الجاري والعنبر  
وأرقكي واستغفر  
على ذنبي  
وما عملتوش  
عينيك سحرها يضوي  
ولا حشتوش  
نزلت ف بحرهم بدري  
أدوب وأغوص  
حاولت أنساك ما قدرتش  
سهادي أحوش  
يا عمري يا اللي ما نسيتوش  
وكان رايح مع المجاذيب  
خطوطك كلها تعذيب  
يا نسمة  
عن حياتي تغيب

تخلي برد قلبي لهيب  
ويتحول غنائي نحيب  
ويتبدل شبابي بشيب  
أنا باصرخ ولولا العيب  
أكون واحد من المجانيب  
وما اكذبشي  
سبييني أقرأ  
خطوط كفك  
واطوف كفك  
واطوف بالورد  
على خدك  
سبييني ..  
أسهر..  
\* \* \* \*

٢٠٠٦/٦/٢

# الانتخابات

تعبت مشي ع الأيدين  
ورجلي تعبت م السلام  
وعيونى سمعت الأهات  
وودانى تعبت م الكلام



ولسان بلعته م الآلام  
والدود وصل حد العظام  
أسفلت نازل م السما  
وسحابة جاية في الزحام  
والأنف ليه جاله مغص  
والمعدة بيجي لها زكام  
وسط المدافن كام فرح  
ورصيف مبلط بالرخام  
والرجال مالية القهاوي  
والحریم في البرلمان  
والشباب أصبح مخدر  
واللي رايح زي جاي  
والأغاني نكتة بايخة  
يا حلیم ارتاح ونام  
وإن صرخت يقولو ا اخرس

إوعى تغلط في النظام  
عندنا ميت ظرف طاريء  
انتباه تعظيم سلام..

\* \* \* \*

نشرت بجمعية الأنباء بتاريخ ٢٠٠٥/١٢/٣٠ بالعدد (٥٣٩)

# ساكنة شمالي

يا ساكنة في شمالي  
عاجبك كدا حالي  
راح اسكنك شمسي  
واسمعك همسي  
واشعل سراج قمري

علشان أجيب مهري  
لو قلبي كان مجروح  
حاسكك في الروح  
حبك بقى له سنين  
عمال بييني حنين  
مسجون بقى له سنين  
قلبك عليه سجان  
سجنه ضيا عينيك  
غير لي أحوالي  
جواي ميت جني  
لو تفتحي بابك  
الدنيا تحلى لي ..

\* \* \* \*

# يا ريتني

يا ريتني يا ريتني يا ريتني   ما كنت قابلت عينيك  
ولا كنت ساعتها يا عمري   أنا دبت ف لمس إيديك  
ولا أخاف ولا أغرم النسمة   بتشاعب رمش عينيك  
ولا يوم أسهر يا عيوني   معنتي ميعاد ألاقبك  
ولا كان الناس يلوموني   ويحسدوا قلبي عليك

أدوب في الشفة الوردي ولا أحلي كلام الأغنيك  
في نهاري باتوه في هواك والليل أسهر أناديك  
ما خلاص يا حياتي يا عمري وهبت حياتي إليك  
واتمنى العمر يطول علشان أسعد لياليك

\* \* \* \*

# أفكار وراء أفكار

أنا اللي ياما كتبتك .. في الديوان أشعار  
أنا اللي خلص كلامي .. ع الورق أحبار  
أجرى عليك أقبالك .. كائن صاحب تار  
أنا اللي عمرى ما أفارقتك .. كالظل والأشجار  
أتمنى ادوق الحلاوة .. ياما شربت مرار

وجنتي ترتوى .. تصبح حياتي عمار  
ليه بس تهجريني .. كنت ابعثي إنذار  
ياما سهرت الليل .. أفكار ورا أفكار  
فاضت دموع العين .. تجري كما الأنهار  
كأني صياد سمك .. مستني بالسناور  
من غير جناح إزاي .. هتغرد الأطيوار؟!

\* \* \* \*



الزوال

وكفاية قبلة

يا حرف نور منقوش في دجلة

دي قبلة واحدة جابت لي فكرة

وختتني سكرة

ما بقش عارف احنا النهاردة

ولا احنا بكرة  
يا بعيد قريب والسيرة عطرة  
وان قلت تاني بتقول كفاية  
وكفاية نظرة  
اديني عشرة  
راح تبقي عشرة  
والا انت خايف  
تتذاع في نشرة  
من يوم ما دقت  
العسل يا سكر  
حسيت بلذة  
وجاتني هزة  
يا عم ريختر  
مقاسها عشرة..

\* \* \* \*

# الـجـبـ!!

مع اني حالف  
ما أشربشي خمرة  
سكرت سكرة  
وكانت مغامرة  
أتاريني غارق  
في عينيك يا سمرة

يا بسمه سكر  
يا أحلى تمره  
يا ليلة بيضة  
مباقولش حمرة  
يا عيون وسهرة  
ونار وجمرة  
مسكين يا قلبي  
وعليك مؤامرة  
رايح لابيوكي  
وكم ان أخوكي  
ما في هاش مكبرة  
إزاي أسيبك  
قلبي حبيبك  
من غيرك انت  
راح أبقى عبرة.

\* \* \* \*

# الاشعار

باعشقتك في اللاشعور  
باعشقتك ضلمة ونور  
با عشقتك ساعة الشروق  
با عشقتك ساعة الأفول  
با عشقتك ورد وزهور  
باعشقتك بدر البدر  
باعشقتك ..

# بأخاف

بأخاف وبأ غمض في عيني  
لا العزال يشوفوك جواها  
أو حتى انتهت تنهيدة  
حتى الهمسة كمان والآهة  
الدمعة اللامعة بأ دارها  
لو شافها حاسد وحكاها

أنا سمكة عايشة في المية  
قل لي إزاي هتعيش براها  
وبا داري ف قلبك يا عيوني  
أنا وانت وردة ونداها  
الشمس بتحكى حكاينا  
من صبحها ولحد مساءها  
بتقولي فاكرة ليالينا  
إزاي أنا قلبي يسلاها  
الثانية ف قربك بتعدي  
بليالي باعشق نشواها  
أحلف لك بالغالي يا غالي  
أنا طفلة بعطف اتبناها  
أنا سمكة عايشة في المية  
قل لي إزاي هتعيش براها.

\* \* \* \*

نشرت بجريدة القبا بتاريخ ١٤ أغسطس ٢٠٠٥ بالعدد (٨٣٣)

# مسك الختام

سلام سلام يا طه	ولك مليون سلام
مهما يا طه يلوموني	ما باخافش م الملام
يا دعوة إبراهيم	عليه ألفين سلام
يا منور الحرم	عليك مليون سلام
اسم الله السلام	باب الجنة السلام



والرب قال للنار      كوني برد وسلام  
ويوم ما كان بالغار      ع الباب باض الحمام  
في ليلة الإسراء      صليت بيهم إمام  
مهما يا طه يلوموني      ما باخافش من الملام  
جبريل كان قال لك اقرا      ربك باعت سلام  
يا اللي قبلك أنا      وأنت مسك الختام  
سلام سلام يا طه      ولك مليون سلام.

\* \* \* \*

نشرت بجريدة النبا بتاريخ ٢٠٠٦/١/١٥ بالعدد (٨٥٤)

# سبح في بحر الهوى

ما باحبكش ازاي  
دا انت ضي عيوني  
مليتة ود وشوق  
سهران على جفوني  
أنا مهما شفت عذاب

يا عيونها زيدوني  
في بحورها وشطوطها  
وتوني وجابوني  
النظرة زيّ سهام  
دايما يعاتبوني  
غريق وتحت الموج  
ما قلت جيروني  
إمتي أنول المني  
إمتي يحنوني  
سباح في بحر الهوي  
وليه يلومني.

\* \* \* \*

# صباح الحب

يا زهرة حب  
تحبيني وتنعشني  
يا بسملة حلوة هزنتي  
وزاد بيها في قلبي الشوق  
لدنيا جديدة واخذاني

وبالقاني معاه سعيد  
وأحزاني نسيته خلاص  
نسيت الآه  
وطال الصبر يا قلبي  
وباستناكي ما أملش  
وحبي ليكي ما يقلش  
يزيد الحمل ما اكلش  
عشان ألقى  
اللي باتمناه

\* \* \* \*

# الأمل

يا ضحكة بتنور ليالي  
قولي للأيام تعالي  
الأمل وياك غنى  
داعبي بالأحلام خيالي  
الهموم زمانها ولي  
والفرح ساعاته هالة  
والنجوم ع البدر طالة  
كل ده جدد أمالي..

٢٠٠٦/٧/٨

أنا والعراية

## بصیت لصورة

هنا اى

## جواکي يا مرايا

## الماضي قدامي

## مستقبلي وراي

**فاضل لي حب الناس**

ويا قمر وناس  
وهومي جوه القلب  
فيها ابتسامة غلب  
مالهاش دوا ولا طب  
وباداري أوجاعي  
وباقول  
ما فيش داعي  
واكتمها جواي  
مع جرحي وأساي  
وصوتي ماطلعشني  
شمعي ماتوزني  
وان طالت السكة  
بالقاني متحير  
ما فاضلش غير آهة  
والحلم متأجل..

٢٠٠٦/٧/٤



# ڪير ڀڄي سگهي ٿو

خبي دوبي  
اوعى تتوبي  
انت شروقي  
وانت غروبي  
نور في دروبي

عمرى فذاك  
عطر هواك  
أه يا حبيبة مش هانسكي  
شايك دايما فوق الرأس  
يا عيون قلبي قمر وناس  
انت مشاعري والإحساس  
فوق في سماكي مين قسّكي  
قلبي معاكي  
والتليفون فيه نار أسلاكي  
انت أبيّة وضّي عينيّ  
غالية عليّ  
بتخليني اسهر لياليّ  
والأيام الصعبة تعدي  
والأيام الحلوة تهدي  
شايك فل وورد مندي

حاسك بردي وحرې وشردي

مهما أسافر

وابعد عنك أرجع تأتي

يفرح قلبي يفرح قلبك

من حسادك إيه هيهمك

حبك زادي مع زوادي

وانت ميعادك أحلى ميعاد

مسكون قلبي عليه أسياذ

هايم فيكي هايم بيكي

يلف بلاد

واللي شروكي

واللي باعوكي

واللي علي بيقسوكي

مش ممكن مني ياخدوكي

ابعدني عنهم سيبك منهم

انسى ظنونهم

انسى ملامهم  
أصلاك حالة عايزة قوالة  
انت يمامة وانت غزالة  
أرض بتطرح نور بيفرح  
دايما فكري  
فيكي بيسرح  
بعيون خضرة  
زهرة جميلة ورب القدرة  
انت أهاتي وابتساماتي  
انت كلامي  
انت سكاتي  
بتخليني بتخليني  
أحس بذاتي..

\* \* \* \*

٢٠٠٦/٤/٢

# حب كبير

يا وش السعد

ويا الخير

يا غنوة للزمن والطير

وكل الناس بتدعي لك

يبارك ربي في الخطوة

يا جامعة الكل في حضنك

يا زاهية

يا وردة في البستان

يا نسمة وضل للحيران

دا انت في الضلام نوري

وانت ثمري وزهوري

وخيرك يجي

م الوادي

يفكرني بأجدادي

يا روح حاضرة

يا نور هادي

يا زادي ويا زوادي

ولما اتعب

أنا بارتاح

وباعشق كل ما فيكي..

\* \* \* \*

# حبك بحبك في بحبك

با نادي الشمس تضحك لي  
وأرمي ع السحاب حملي  
أسافر في بلاد الله  
ولا قلتش في يوم الآه  
وأرضي شراقي مشتاقة

لدقة قلب خلاقة  
بترويني بحنية  
وتمسح دمعة في عيني  
يا أكسير الحياة أنت  
يا قمره في الظلام بنتي  
بساط أخضر  
ملان بالخير  
وغنوة للسما والطير  
بتسبح في فضاء الله  
وقلبي بالحنان مالياه  
وعن حسنك بأقول وباعيد  
بألف وألف معنى جديد  
باحبك م السما للأرض  
وحبك عندي سنة وفرض  
ما هو انت للتاريخ معنى



حاجات حلوة بتجمعنا  
يدوب إسمي مع اسمك  
حنان ويفيض  
ويخلق م الكلام غنوة  
بلحن سعيد  
نولع شمعة من شمعة  
وننتهى بعمر جديد..

\* \* \* \*

٢٠٠٦/٧/٤

# المقدمة

عمال يقسم في البلاد  
عمال يبشخط في العباد  
غاوي يشوه في العمار  
يسقي المرار لكل دار

حتى الرضيع  
شايء أبوه لما اندبح  
والأم جات تنده عليه  
صوتها اتنبج  
وف صدرها جف اللبن  
بترضعه بدموع عينيها  
خايفة عليه ليموتوه  
زي الكلاب  
قتلوا أبوه  
فاضل قميصه والعرق  
وصورة مطبوعة ف ورق  
كان طفل ممنوع م البكا  
لما كبر قام اشتكي  
الشمس مش نايوة الطلوع  
والعدل فيبيين؟؟

العدل فين؟؟

أعرج وماشي بعكازين

دايما يميل ويا القوي

ويطرب ويا الفهلوي

نام وانكمش

والبد لهم جوه الشقوق

وأما تجمع قوتك

اطلع عليهم بالبارود

ربك أكيد راح ينصرك..

\* \* \* \*

٢٠٠٦/٦/٢٥

## المحتوى

٣	إهداء .....
٥	تقديم للدكتور يسرى العزب .....
٧	الخروج على النص .....
٩	السلامة .....
١١	كلمة سر .....
١٣	في الصندوق .....
١٦	عاشق ترابك .....
١٣	صحي النوم .....
١٩	قبطان .....
٢٠	صيد .....
٢٣	تاه الطريق .....
٢٥	غدير .....
٢٧	جرة قلم .....
٢٩	شخبطة .....
٣١	تتلمسي .....
٣٣	عدى الهوى .....
٣٥	على الناصية .....
٣٧	خطوط كفك .....
٤٠	الانتخابات .....
٤٣	ساكنة شملي .....
٤٥	باريتسي .....

٤٧	.....	افكار ورا افكار
٤٩	.....	زلزال
٥١	.....	الحب
٥٣	.....	الاشعور
٥٤	.....	باخلاف
٥٦	.....	مسك الختام
٥٨	.....	سباح في بحر الهوى
٦٠	.....	صباح الحب
٦٢	.....	الأمس
٦٣	.....	أنا والمرآة
٦٥	.....	طير في سماكي
٦٩	.....	حب كبير
٧١	.....	حب جديد في جديد
٧٤	.....	الفتوة

## صدر من مطبوعات الفجر

١	تغريبة حبرزاق الهلالي	١	دراما شعرية	د. يسرى العزب
٢	الهاموش	٢	قصص	حسن نور
٣	المبعوثون	٣	قصص	إدريس علي
٤	حكايات مصرية	٤	قصص	د. نجدي إبراهيم
٥	الدائرة	٥	رواية	د. نجدي إبراهيم
٦	شجرة مريم	٦	شعر	د. يسرى العزب
٧	تأملات في الفن والثقافة	٧	نقد	د. محمد حسن عبدالله
٨	أمسيات عائلية هادئة	٨	قصص	منتصر ثابت
٩	شجر الليمون	٩	شعر	خالد الشوقاتي
١٠	صفور الحب	١٠	شعر	نجاة خليل
١١	حتى لا يطول الانتظار	١١	قصص	محمد نور الدين
١٢	اكتب صري	١٢	شعر	ليلى محمد علي
١٣	زائر بعد منتصف الليل	١٣	رواية	منحة أبو زيد
١٤	خاطنة في الجنة	١٤	رواية	يحيى سليمان
١٥	النملة والحداية	١٥	شعر للأطفال	عزت زايد
١٦	واحد اثنين	١٦	شعر للأطفال	عزت زايد
١٧	المراهق	١٧	رواية	سيد أمين
١٨	فوكي إيه بتحب؟!	١٨	شعر	جلال الصياد
١٩	فرس جامح	١٩	شعر	ليلى محمد علي
٢٠	حريم الملح والمسكر	٢٠	مسرحية	محمد الفيطي
٢١	قمر المغارب	٢١	شعر	د. يسرى العزب
٢٢	الدنيا جالية	٢٢	شعر	د. فاطمة الحظي
٢٣	أه يا وطن	٢٣	شعر	منى عوض
٢٤	تغريف	٢٤	شعر	نبيل أبو السعود
٢٥	ليلة دافنة	٢٥	قصص	فرج محمود
٢٦	صناع الطريق معنا	٢٦	شعر	عبد الحميد فرج
٢٧	بشرة خير	٢٧	شعر	مجدي حمودة
٢٨	بين الضفتين	٢٨	رواية	فرج محمود
٢٩	أنت عنواني	٢٩	شعر	منى عوض
٣٠	الشاطيء البعيد	٣٠	رواية	عبد الباسط أحمد
٣١	في العارضة	٣١	شعر	سيد علي عبدالله
٣٢	الثوب الضيق	٣٢	شعر	وفاء أمين
٣٣	صهيل القاصد	٣٣	شعر	فاري الشريف
٣٤	بنت البلد	٣٤	دراسة	د. يسرى العزب
٣٥	خريطة الشعر العلمي في مصر	٣٥	دراسة	د. يسرى العزب
٣٦	شعراء من مصر	٣٦	دراسة	د. يسرى العزب
٣٧	خطوط كتك	٣٧	شعر	أحمد المسندباد

رقم الإيداع : ٢٠٠٦/٢٣٠٦٦

زرد للطباعة والكمبيوتر